



Augos 18, 2020
Taffainak Tusagatsak

AngajukKâsuatsamik Annigusunnisak ullutâttaumajuk Oktober 6-imik

Nunatsiavummi Sivulittik AngajukKâk Tyler Edmunds KaujititsiKauvuk ullumi annigusunnisak Nunatsiavummi AngajukKâsuatsamik kajusilânninganik Tenistâgimi, Oktober 6, 2020-mi.

Annigigatsaugumajuit atinginnik tigollanik matulâttuk Kitigalimi, September 1, 2020-mi, suliaKapvingani Nunatsiavummi AnnigusuttuKanningani kamajiup, taikani 14 Corte Real Road, Happy Valley-Goose Bay, NL.

Aullasimalâttuit annigusuttuKanningani annigusuttitaulâttuit (10) senait ulluit annigusupvisaup sivungani.

Tamanna annigusupvisak sivullimi ulluKalauttogaluak Mai 5-imik, tâvatualli nukKatitaugiaKalaukKuk isumâlotauvalliattuinnalimmat Kanimmasialuk taijak coronavirus COVID-19, kamatsiagumalaugamillu annigusupvimi piujutsiamik pigasuagumallutik malillugit pitsiaKujinningit, kajusimakKujinningit, piusigigiaKajanginnilu Labradorimi Inuit Maligatsasuangita Nunatsiavullu Annigusuttusininginni PikKujangani.

Malillugu Allasimajuk 116A-mi Annigusuttisinniup PikKujangani, Sarah Townley ilijaumavuk uKâlattiunimmik atuttaugiaKajumik Inuttitut akigattotinninginni, annigigatsait AngajukKâsuangugiamut. Tamanna PikKujak malillugu, uKâlattiulâttuk imâk pigiaKalâttuk, sepait ulluit iluani (akungani September 2-8-tiulu, 2020-mi) matusimalippat annigigatsaugumajuit atinginnik tigollanik, kajusititsinialluni kamallunilu akigattotinninginni.

Ikajuttaugutilet Labradorimi Inuit Nunamik Satusaisimanningita Angiutigutinganut KaujimakKujaujuit kamajet Kanutuinnak kamalâttuit pitâjuKaKunagu siammatitaukKunagulu Kanimmasialuk COVID-19. kamauset ilaKasiutjigajattuit inuit ununngit unuluatlaKunnagit annigusupvini taimaigaluattilugulu kamatsialutik Kanitageluatlatailititsinimmik (KaninginiKaKatigellutik 2 metres-itut) ilonnaita tamânettuit. Agganut salummasaigutet atuinnaulâmmijuit, annigusupvellu iningit ilonnatik salummasattaunginnalutik. Kanugiallatuinnalu pigiaKatuagutik kamaKattalutik.

KaujigiallagumajuKappat annigusunnisak pillugu aittsilauilit Nunatsiavut Annigusuttisininginni kamajinganut, Nannette Blake-imut. UKâlapviusok omani (709) 896-5683, Kagitaujattigullonet uvani: nannette.blake@nunatsiavut.com

Kaujisapviugiallasok:

Bert Pomeroy
Aulatsijik Kaujisautinik
(709) 896-8582